

Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 01-16-3-1894-9/23
Srebrenica, 07.09.2023.godine

Na osnovu člana 100. stav 3. Zakona o javnim nabavkama (Službeni glasnik BiH broj: 39/14; 59/22) (u daljem tekstu: ZJN BiH), rješavajući po žalbi ponuđača „KULA MONT“ d.o.o. Zenica, zastupanog po punomoćniku Adnanu Hodžiću – advokatu iz Zenice, izjavljenoj dana 04.09.2023. godine na tendersku dokumentaciju za javnu nabavku radova: „Rekonstrukcija i sanacija pasarele“ za koju je objavljeno Obavještenje o javnoj nabavci broj: 1348-7-3-38-3-20/23 od 31.08.2023. godine, zamjenik predsjedavajućeg Upravnog odbora Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, d o n o s i

R J E Š E N J E

Usvaja se žalba izjavljena od strane ponuđača „KULA MONT“ d.o.o. Zenica, zastupanog po punomoćniku Adnanu Hodžiću – advokatu iz Zenice (u daljem tekstu: Žalitelj) od 04.09.2023. godine na tendersku dokumentaciju za javnu nabavku radova: „Rekonstrukcija i sanacija pasarele“ za koju je objavljeno Obavještenje o javnoj nabavci broj: 1348-7-3-38-3-20/23 od 31.08.2023. godine.

Ovo Rješenje je osnov za donošenje Odluke o izmjeni tenderske dokumentacije od strane Ugovornog organa i produženje roka za dostavljanje ponuda u skladu sa zakonom.

Ugovorni organ će o preduzetoj radnji izmjene tenderske dokumentacije obavijestiti sve potencijalne učesnike u postupku putem portala javnih nabavki, te će ista biti objavljena na zvaničnoj web stranici Ugovornog organa.

Usvaja se zahtjev Žalitelja za naknadu troškova za sastav žalbe od strane advokata u iznosu od 280,80 KM sa PDV-om, dok se u preostalom dijelu postavljani zahtjev odbija kao neosnovan.

Rješenje stupa na snagu danom donošenja.

O b r a z l o ž e n j e

Postupak javne nabavke radova: „Rekonstrukcija i sanacija pasarele“ pokrenut je Odlukom broj: 01-16-3-1894-1/23 od 31.08.2023.godine. Procijenjena vrijednost javne nabavke bez PDV-a je 78.450,00 KM, a postupak se provodi putem konkurentskog zahtjeva za dostavu ponuda.

Krajnji rok za dostavljanje ponuda je 11.09.2023. godine. Obavještenje o nabavci broj: 1348-7-3-38-3-20/23 objavljeno je na portalu javnih nabavki dana 31.08.2023. godine.

Dana, 04.09.2023.godine izjavljena je žalba od strane Žalitelja na tendersku dokumentaciju.

Ugovorni organ je nakon provjere da je Žalitelj u ovom postupku preuzeo tendersku dokumentaciju sa portala javnih nabavki, konstatovao da je žalba blagovremena, dopuštena, izjavljena od strane ovlaštene osobe, te da Žalitelj ima aktivnu legitimaciju za podnošenje žalbe.

U žalbi je navedeno da je žalba izjavljena zbog povrede ZJN BiH, čime su narušena prava ponuđača-žalitelja u predmetnoj tenderskoj dokumentaciji, te da je tenderska dokumentacija sačinjena suprotno odredbama člana 3. i člana 46. ZJN BiH.

Žalitelj smatra da je zahtjev Ugovornog organa iz tačke 15.1. *Sposobnost obavljanja profesionalne djelatnosti (član 46. Zakona)* tenderske dokumentacije kojom se traži da ponuđači dostave „ovjerenu kopiju Aktuelnog izvoda iz sudskog registra i kopiju Uvjerenja o poreznoj registraciji sa ID brojem“ suprotan članu 46. ZJN BiH kojim je propisano da: „Ugovorni organ u tenderskoj dokumentaciji može zahtjevati od ponuđača/kandidata da dokažu svoju registraciju u odgovarajućim profesionalnim ili drugim registrima zemlje u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost koja je u vezi sa predmetom nabavke.“

Žalitelj dalje predlaže Ugovornom organu da žalbu u cijelosti usvoji, ispravi tendersku dokumentaciju u skladu sa žalbenim navodima, kao i da mu nadoknadi troškove žalbenog postupka.

Ugovorni organ je žalbu razmotrio, te žalbene navode Žalitelja smatra osnovanim.

Ugovorni organ će po osnovu ovog Rješenja donijeti Odluku o izmjeni tenderske dokumentacije, obavijestiti sve potencijalne učesnike u postupku putem Portala javnih nabavki, te istu objaviti na zvaničnoj web stranici Ugovornog organa.

Postupajući u skladu sa odredbama člana 100. Zakona o javnim nabavkama Bosne i Hercegovine donesena je odluka kao u dispozitivu.

Žalitelj je u žalbi postavio i zahtjev za naknadu troškova sastava žalbe od strane advokata u iznosu od 400,00 KM.

Ugovorni organ je u skladu sa članom 105. stav (2) Zakona o upravnom postupku BiH i člana 18. stav (2) Tarife o nagradama i naknadi troškova za rad advokata u FBiH, prihvatio kao osnovan zahtjev Žalitelja za naknadu troškova zastupanja koji se odnose na troškove za sastav žalbe u upravnom postupku u iznosu od 240,00 KM, uvećanih za iznos od 40,80 KM na ime PDV-a, odnosno u ukupnom iznosu od 280,80 KM.

Žalbeni zahtjev u preostalom dijelu odbija se kao neosnovan, jer isti nije sačinjen u skladu sa važećom Advokatskom tarifom, te je suprotan zauzetoj sudskoj praksi.

Pouka o pravnom lijeku: Protiv ovog Rješenja se može izjaviti žalba Uredu za razmatranje žalbi (URŽ), putem Ugovornog organa u roku od 5 (pet) dana od dana prijema Rješenja.

Dostavljeno:

1. „KULA MONT“ d.o.o. Zenica
2. Predmet
3. a/a

Zamjenik predsjedavajućeg UO
Aida Baručija
Aida Baručija

